

«ҚазТрансОйл» АҚ-тың экологиялық саясаты

«ҚазТрансОйл» акционерлік қоғамы (бұдан әрі - Қоғам) магистральдық мұнай құбыры жөніндегі ұлттық оператор және Қазақстан Республикасының ең ірі құбыр желісі компаниясы бола тұра, өз қызметінің сипатын, ауқымын және экологиялық әсерін ескере отыра, негізгі стратегиялық міндеттердің бірі ретінде қоршаған ортаға теріс әсерді төмендетуді және экологиялық қауіпсіздіктің жоғары деңгейін қамтамасыз етуді айқындады, оны орындау үшін Қоғам басшылығы өзіне мынадай міндеттемелерді қабылдайды:

1) Қазақстан Республикасы заңнамасының, халықаралық және ұлттық стандарттардың, Қоғамның қоршаған ортаны қорғау саласындағы ішкі құжаттарының талаптарын сақтауды;

2) қоршаған ортаға теріс әсерді болдырмауды;

3) қоршаған ортаға эмиссияларды төмендетуге бағытталған қауіпсіз және ресурс үнемдейтін технологияларды енгізуді қамтамасыз етуді;

4) Қоғам жұмыскерлерін қоршаған ортаны қорғау саласындағы бағдарламалар мен іс-шараларды іске асыруға белсенді түрде тартуды және ынталандыруды;

5) персоналдың экологиялық мәдениеті мен құзыреттілігін арттыруды, табиғат қорғау қызметін танымал етуді;

6) мердігер ұйымдардың қоршаған ортаны қорғау саласындағы талаптарды сақтауына тұрақты бақылауды жүзеге асыруды;

7) экологиялық ақпараттың жұртшылық, акционерлер, уәкілетті мемлекеттік органдар және басқа да мүдделі тараптар алдында кеңінен қолжетімділігін және Қоғамның табиғат қорғау қызметінің ашықтығын қамтамасыз етуді;

8) биоәртүрлілікті сақтау бойынша шаралар қолдануды;

9) қалдықтарды басқару жөніндегі операцияларды жүзеге асыруды;

10) штаттан тыс жағдайлардың туындауын болғызбауға бағытталған іс-шараларды әзірлеуді және олардың салдарын жоюға дайын болуды;

11) өндірістік қызметтің барлық кезеңдерінде табиғи ресурстарды ұтымды пайдалануды;

12) бүлінген жерді қалпына келтіру жұмыстарын жүргізуді;

13) өндірістік объектілер аумағындағы атмосфералық ауаның, топырақтың, жерүсті, жерасты және сарқынды сулардың жай-күйіне үнемі мониторинг жүргізуді;

14) авариялар мен мұнайдың төгілуі кезінде қоршаған ортаның ластану тәуекелдерін барынша азайту мақсатында барлық жабдықтар мен құбырлардың авариясыз жұмыс істеуін және пайдаланылуын қамтамасыз етуді;

15) экология саласындағы қызмет нәтижелерін жақсарту үшін экологиялық менеджмент жүйесін ұдайы жетілдіруді.

Осы Саясатта көрсетілген міндеттемелер Қоғамның экологиялық қауіпсіздік саласындағы мақсаттарын белгілеу үшін негіз болып табылады, барлық құрылымдық бөлімшелерге қолданылады және Қоғамның әріптестермен іскерлік қатынастар жүйесіне енгізіледі.

Қоғам басшылығы өзіне алған міндеттемелерді орындау осы Саясатты табысты іске асырудың, Қоғамның орнықты дамуын қамтамасыз ету және Қазақстан Республикасының орнықты дамуына жәрдемдесу үшін экологиялық қауіпсіздік саласындағы қызмет нәтижелерін үнемі жақсартудың кепілі деп есептейді.

Қоғам басшылығы осы Саясатты іске асыруға және барлық қажетті ресурстарды беруге жауапты болады.